

Vastelaoveskrant 't Piepke hoés-aan-hoés



Op 20 januari is op zón 8500 adresse in Tegele, Sjteyl en de Hei 't nije Piepke wir op de deurmat of in de breevebös gevalle. De 35ste oétgaaf van ós vastelaoveskrant woort daags d'r veur geprizzenteerd beej kefee Coëba, de rizzidensie van vastelaovesgezelsjap De Beerpiëp.

In 't Piepke doon weej idder jaor ós vastelaovesprogramma oét de deuk en wuurt ouch oétgebroid in wäörd en beeld truuk gekeke op de hoэгтеpunte van 't vurrig seizoen.

Niej in ós programma is 't Lempkesbal op vastelaovesmaondig in 't Witte Hoés, georganiseerd in samenwerking met De Boekaniers, joekskepèl Petatte Nelke en de sjtichting VAT. Niej zien ouch ós dansmeriekes, die weej gruëts aan uch veursjtelle.

Hoэгтеpunt van 't seizoen beej De Beerpiëp is en bliéf netuurlik 't Cambrinusbal met de oétreiking van de Pannekletser, ós hoэгste óngersjeiing, aan Sjaak Smetsers én aansjloétend 't oétrope van de 52ste Beerpiëpprins en zien adjudante. Det alles geit plaatsvinge op zaoterdig 2 februari in d'n Haandert. In 't Piepke sjteit 'n interview met Sjaak Smetsers door Piet van Bree.

Daags daonao sjtelle weej ós 8ste Jeugtrio aan ug veur. Ein waek ierder den veurhaer dus. Ouch heejeuver kent geej alles laeze in 't Piepke

Daonaeve kriege de Trio's van 2018 alle ruimte öm eur belaevenisse nag ens de revue te laote passere. Alle aandach gaeve weej vanzelfsjpraekend ouch aan ós jubilarisse, de programma's van ós zöstervereiniging en 't illustere gezelsjap Wie Laater Wie Zaater, det 11 jaor besjteit. Laes veural ouch de ludieke beejdrages van ós gassjrievers Jos Wolbertus en Truu van Sjowberg.

Weej winse uch vuul laesplezeer!

Heb geej per óngelök gen Piepke óntvange, den kent geej daoveur terech beej PLUS Verbeeten oppe Hei en Albert Heijn in Tegele. Dao ligge nag vastelaoveskrante op veurraad.